

Jān Būreejtōn Henry B. Eyring

Rikakpilōklōk eo Kein Kajuon ilo
Būreejtōnji eo Kein Kajuon



Baam̄le ko Remaron̄ Pād Ippān Doon Nān Indeeo

Kajoor eo an priesthood ej liāpe baam̄le ko nān indeeo ej juon iaan menin letok ko rellap an Anij. Aolep armej ro remejele kōn karōk in lōmōor renaa j kōnaan kōjeram̄man eo eijeļok jemļokin. Kōjeram̄man in liāp ko rej kōm̄man wōt ilo tampeļ ko emōj aji an Kabuñ eo an Jisōs Kraist im Armej ro Rekwojarjar ilo Raan-ko Āliktata Anij ej letok kallimur bwe baam̄le ko remaron̄ liāp ippān doon nān indeeo.

Kii ko an priesthood ko rej kōm̄man bwe men in en maron̄ kar jepļaaktok nān laļ in jān Iļaija nān Joseph Smith ilo tampeļ eo ilo Kirtland. Kii kein an priesthood eo kar litok jān rikanaan nān rikanaan ro remour ilo Kabuñ eo an Jisōs Kraist im Armej ro Rekwojarjar ilo Raan-ko Āliktata nān raan kein.

Rilōmōor eo ilo iien kwaļok ko An ilo mour in ekar kōnono kōn kajoor in liāp baam̄le ilo naan kein nān Pita, Rijilōk eo An eutiejtata, ke ekar ba, “Emool Ij ba nān kom̄, jabdewōt men eo kom̄ naaj liāpe laļ, naaj liāpe lañ, im jabdewōt men eo kom̄ naaj kōtļok e ioon laļ, naaj kōtļok e i lañ” (Matu 18:18).

Ilo wōt laļ eo an celestial im jemaron̄ mour ippān baam̄le ko nān indeeo. Ijo jemaron̄ in baam̄le imaan mejān Jemedwōj Ilañ im Rilōmōor eo. Rikanaan eo Joseph Smith ekar kōmejeleik eñjake in em̄man ke ekar ba bwe nē Rilōmōor eo enaa j waļoktok jenaaj loe E lukkuun nememein E. Jenaaj loe ke E ej armej ainwōt kōj.

Im eja iiaio in ippād kiiō ijin enaa j bar pād ippād ijōņ ilo mour eo tok juon, ak enaa j kobaiktok aiboojoj indeeo,

aiboojoj eo im jejjab amene kiiō (lale D&C 130:1—2).

Eoon in ej ļōmake bwe jemaron̄ kōn lōke jibadōk joñak eo ilañ ilo kōtaan kein ad ippān baam̄le kein ad. Jemaron̄ kwaļok ad kea kōn ro uwaan baam̄le ko ad, ro remour im ro remej, nān kōm̄mane jabdewōt men jemaron̄ kōm̄mane nān leļok nān er kaiñi ko an priesthood im ko renaa j liāpe kōj ilo lañ.

Elōn iaami, dik im rūtto, rej kōm̄mane men in. Emōj ami pukōt āt ko etan rūtto ro jibūm̄i im jim̄ami ro rej jañin bōk kaiñi ko remaron̄ liāpe kom̄ ippān doon.

Enañin aolepāmi elōn ro nukumi rej mour ro rej jañiin liāp ainwōt baam̄le kōn kajoor eo an priesthood. Elōn ro ewōr nukier ro emōj aer bōk kaiñi ko an priesthood eo ak rej jab kōjparok bujen ko rekar kōm̄mani ippān Anij. Anij enaa j kōjeram̄man eok bwe kwon maron̄ in jipañ pukōt-ļok aolep ro nukum̄ ilo tōmak. Ewōr juon am̄ kallimur eo Irooj ekar kōm̄mane nān rijilōk ro An nān ro rej etal im boktok ro jet nān E.

E [Irooj] ej ba jabdewōt iien armej ej roñjake kōj, Enaa j bar ainwōt pād ijoņ. Enaa j etal imaadļok. Enaa j pād ilo tuanbwij maron̄in peid im ilo tuanmiñ, im Jetōb eo aō enaa j pād ilo būruwōd, im enjeļ ro An renaa j jepool kōj, nān jipañ kōj (Lale D&C 84:88).

Jān wūntō in opij eo aō ij lo limaro pālele im ļōmāro pālele aolep raan rej kōm̄man pija ko aer ippān wūt ko im dān ko rej kaiboojoj. Enañin aolep iien ļeo pālele ej kotak lio pālele ilo pein, diktata nān jet jikinwe ko epen an etetal ie, ilo an ripija eo bōk pija in mare ko. Aolep iien ij lo men

in, ij keememej ripālele ro ijelā kajjer ro jet iien—jet iien ej-jab etto jān iien mare eo aer—rej aikuj kotak doon ilo bar jet wāween eļāñne mour in ej pen tok. Jerbal ko remaroñ jako. Ajri ro remaroñ lotak tok kōn apañ ko reļļap. Nāninmej emaroñ itok. Innām, imminene ko ilo ad kōmānman nān ro jet āinwōt ñe jenaaj kar kōṅaaan bwe ren kōmānman nān kōj—ke ekar pidodo men in—enaaj kōmman bwe jen jet ro rebuñbuñ ilo iien ko reppen ñe kōmānman nān ro jet enaaj aikuij eļaploḳ kajoor jān joñan eo jej lōmṅak ewōr ippād.

Baamle ko ad rej aikuj jān kōj jemjerā ko jemaroñ bōki nān imāan mejān Anij. Jej aikuj kajjieoñ bwe jen jab kōmetak ro jet ak watōk men ko jej metak kaki. Jemaroñ kālet bwe jen joḷoḳ bōd iien eo emōkajata im ilo mool. Jemaroñ kajjieoñ pukot mōṅōṅō an ro jet mōkta jān eo ad. Jemaroñ in jouj ilo ad kōnono. Ilo ad kajjieoñ kōmmani aolep men kein, jenaaj karuwaineneik Jetōb Kwojarjar nān baamle kein ad im mour kein ad.

Kaṅool eo aō nān kom bwe, kōn jipañ eo an Irooj im kōn būruwōn ukweḷoḳ, jemaroñ bōk juon meḷeḷe edik ilo mour in kōn kain mour rot eo jekōṅaan bōke nān indeeo. Jemedwōj Ilañ ej iakwe kōj. Ekōṅaan bwe jen roḷloḳ nān Ippān. Rilōmḡor eo, kōn kajoor in Pinmuur eo An, ekapido-doik an oktak eo ilo būruwōd eo jej aikuj in kōmmane nān ad deḷoñe tampeḷ ko rekwojarjar, kōmman bujen ko jemaroñ kōjparoki, im ilo iien eo enaaj itok mour ippān baamle ko nān indeeo ilo aiboojoj in al—mṅweo imōd bar juon alen.

KATAKIN JĀN ENNAAN IN

Ilo aṅ kajedeed katak eo kōn baamle nān indeeo, lōmṅak kōn ta eo Elder Richard G. Scott jān Doulul eo an Joñoulruo Rijilōk ro ekar ba: Aolep iien pukot nān kōkajoorloḳ baamle ko. Kwaḷoḳ kōn juon visōn eo eaorōk kōn an baamle ko liāp ilo tampeḷ. . . . Ñe ewōr ippamṅ visōn in kōn kaiñi ko an tampeḷ, kwonaaj jipañ kalōk aelōñ in kaiñ eo an Anij ioon laḷ in” (Iar Lewōj nān Kom juon Waanjo-ñok,” *Liaona*, Māe 2014, 34). Ewi wāween aṅ maroñ jipañ ro kwoj katakin er ejaake juon vision kōn aorōk in liāp ilo tampeḷ eo? Karuwaineneik ro rej jañin liāp nān kōnono kōn buñtōn ko remaroñ bōki nān bōk kaiñi in. Karuwaineneik ro emōj aer liāp bwe ren kōnono kōn wāween aer maroñ kōjparok vision eo an baamle ko aer nān indeeo im kōmmanmanloḳ jemjerā ko aer ippān doon.

JODIKDIK RO

Ekkejel nān Indeeo nān Baamle eo Aō

Jān Laura Burton

Ke rekar kōkaajririk eō ke ej jilu aō iiō, lukkuun jinō ekar kōtloḳ kōkaajriri eo bwe en pen eļāñne jinō im jema renaaj errā in kōmmane kaiñi ko aō ilo mōn jar eo ālkin an naaj 12 aō iiō. Liin jinō ekar lōmṅak ij aikuj in naaj rūttoḷoḳ im make kōmmane kālet eo aō make, ak ekar lukkuun pen nān kōttar.

Aaet, ekar pen nān aō lo elōñ iaan ro mōtta rekar peptaij ke rekar ralitōk aer iiō, ak ta eo ekar laḷoḳ an pen ekar jeḷā ke iban kar maroñ in liāp ippān jinō im jema ro rekar kōkaajririk eō im ro lalem jeiū māe iien ikar 12. Ikar mijak eļāñne enaaj kar waḷoḳ juon men nān ña im iban kar maroñ liāp ippāer.

Ilo an kar epaaktok raan in lotak eo aō bwe en joñouluo aō iiō, kōm kar jino karōk iien peptaij eo im liāp eo nān baamle eo aō. Jinō im jema rekar kōtloḳ bwe in kālet make tampeḷ ta kōm naaj liāp ie. Ikar lōmṅak tampeḷ eo ilo San Diego California ekar eo eaiboojoj tata, kōn menin aolepān baamle eo aō rekar errā nān ettōrloḳ nān California nān liāp ie.

Ikar kijoovor in erom mōttan baamle eo indeeo ippān ro jinō im jema im ro jeiū im jatū. Ilo iien liāp eo aō, ekar kajoor aō eñjake Jetōb eo ijjab maroñ kōme-ḷeḷeik ilo naan. Kiiō ke emōj aō liāp ippān baamle eo aō, eñjake in inepata ko aō emōj aer bōk jikier kōn kaenōmman im aenōmman, jeḷā ke kiiō ij ekkejel nān indeeo nān er.

Rijeje eo ej jokwe ilo Utah, USA.

AJRI RO

Kalimjōk Tampeḷ eo

Būreejtōn Eyring ekar kōmeḷeḷeiki bwe kōn priest-hood eo, elōñ ad iien nān etal nān tampeḷ nān liāp ippān doon ippān baamle ko ad nān indeeo. Jiñaik ak pukōt pija in tampeḷ eo emman tata ippamṅ im likūt ilo juon jikin eo kwonaaj loe aolep raan. Kōmmane juon laajrak kōn wāween aṅ naaj maanjabpopo nān iloḳ nān tampeḷ juon raan.



Tōmak, Baamle, Deor

Kadkad in Mour eo Ekwojarjar an Jisōs Kraist: Wānōk

Kanooj jar ilo ekkatak kōn katak in im pukōt nān jeļā ta eo nān kwaļok. Ekōjkan ami naaj meļeļe kadkad in mour eo ekwojarjar an Rilōmōqor eo ej kōļapļok tōmak eo ami ilo E im kōjeramman ro komwij (bōk eddoier) mije er kōn naan in katak an kōrā? Nān meļeļe ko reļļapļok, etal nān reliefsociety.lds.org.

Eñin ej mōttan eo an Naan in Katak ko an Kōrā ro rej pijaik wāween kadkad in mour ko rekwojarjar an Rilōmōqor eo.

Wānōk ej aikuj kaiboojoj ļōmņak ko aņ ilo ejjeļok kijēļok kake. Innām kōjatdikdik eo aņ enaaj ļapļok iņaan mejān Anij, im katak ko an priesthood eo renaaj wūtdikdik Jetōb eo aņ āinwōt mōttō jān laņ (lale D&C 121:45).

Ta in wānōk? Būreejtōn James E. Faust (1920–2007) ekar ba: “Wānōk ilo lukkuun tarlep in meļeļe eo an ej jepool aolep men ko remman an jimwe im rej jipaņ kōj kalōk mwil ko mwilid.”¹ Būreejtōn Gordon B. Hinckley (1910–2008) kar kobaiktok: “Takwe eo an Anij ej okran aolep wānōk, aolep men emman, im aolep kajoor in mwil emman.”²

Jen jemjerā ko ikōtaan kōrā im wānōk, Elder D. Todd Christofferson jen Doulul eo an Joñoulruo Rijilōk ro ekar ba: “Kōrā ro rej ļotak tok nān laļ in kōn kwojarjar, juon menin letok eo ekwojarjar bwe ren peran ilo jekjek kein āinwōt tōmak, peran, meanwōr, im emmanļok ilo jemjerā ko im ilo manit ko. . . .

Sister ro, ilo aolep jikin ko komjij pād ie, ej kadkad eo ami ippān Anij, Jemāmi Ilaņ, eo unin kajoor eo an mour in eo ami, me komjij aikuj iien otemjej likūt mōktata mour eo ami. Keememej bwe kajoor eo an Jisōs ekar itok kōn wūjleplōk eo An make nān ankilaan Jemān. . . . Kajieoņ in kain rikaļoor rōt eo an Jemen im Nejin, im kajoor in kadeel eo ami ejamin makunļok.”³

Bar Jet Eoon Ko

Sam ko 24:3–4; Pillipai 4:8; 2 Pita 1:3–5; Alma 31:5; D&C 38:23–24

Jān Jeje ko Rekwojarjar

Rainin, kōrā ro rewānōk, robrak kōn tōmak, rej pukōt Rilōmōqor eo. Ilo Luk 8 jej riit kōn juon kōrā eo ekar tōqor ļok bōtōktōkin iumwin 12 iio ko im ejjab maroņ in kar mour. Liin ekar pukōt an mour ke ekar itok likin [Kraist], im uññūr tōrerein nuknuk ko An: im e mōkaj an jako an bōtōktōk tōqor ļok. . . . Im Jisōs e ba, . . . juon en ear uññūr Eō, bwe I ar jeļā kōn an kajoor⁴ ilok jān Eō. “Im ke kōrā eo ej lo e jab tilekek, ej itok im wūdiddid, im buñ

iņaan, im kwaļok iņaan mejān armej otemjej, kōn unin an uññūr E, im kōjkan e mōkaj an mour. “Im E ba nān e, Neju, aņ tōmak ear kemour eok; kwōn ilok ilo aenōmman” (Luk 8:43–48; bar lale 6:17–19).

Jān wānōk eo An,⁵ Kraist emaroņ kemour, kemaroņ, kōkajoor, kaenōmman, im kōkketak eļāñne jenaaj kālet kōn peran im tōmak nān ilok nān Ippān.

KAKEEMEMEJ KO

1. James E. Faust, “The Virtues of Righteous Daughters of God,” *Liahona*, May 2003, 108.
2. Gordon B. Hinckley, “Excerpts from Recent Addresses of President Gordon B. Hinckley,” *Ensign*, Apr. 1996, 73.
3. D. Todd Christofferson, “Kajoor in Mwil Jimwe an Kōrā ro,” *Liaona*, Okt 2013, 29, 31.
4. Wānōk ewōr an kajoor (lale Mark 5:30).
5. Ilo Guide to the Scriptures, “Priesthood” ej kōmleleiki āinwōt: “The authority and power that God gives to man to act in all things for the salvation of man” (D&C 50:26–27).

Ļōmņak kōn Menin

Ewi wāween an wānōk kōmaroņ im kōkajoor kōj?